



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 295. Quandonam non liceat facere divortium ob adulterium.

[urn:nbn:de:hbz:466:1-73973](#)

uxorem suam, nisi ob fornicationem. Quæ verba Christi intelligenda esse de divortio tantum, quod ad thorum & cohabitationem, dictum est supra, & prout explicat S. Hieron. ad cù. c. 19. Matth. & in Epist. ad Amandum. D. August. l. 2. de adulst. conjung. c. 9. Innoc. 1. Epist. ad Exuperium. Trid. sess. 24. de mat. can. 7. & prout colligitur ex Apost. 1. ad Cor. 7. præcipio non ego, sed dominus &c. Tamen autem verba illa Christi, uti & textus Juris can. c. ex literis. c. significasti. c. gaudemus. b. t. faciant mentionem solum de adulterio uxoris, utpote graviori; adeoque Cajet. in illud Matth. 19. censuit solis viris concedi potestatem faciendi divortium ob adulterium uxoris; verissima tamen sententia defendit, in hoc utrumque conjugem esse paris conditionis; cum jus divortii faciendi oriatur ex violatione fidei conjugalis (non enim censentur conjuges obligati ad mutuam cohabitationem & redditionem debiti, nisi quatenus sibi invicem fidem servaverunt) ob quam conjuges æquali jure obligantur. D. Thom. in 4. d. 35. q. unic. a. 4. Sanch. l. 10. d. 3. n. 6. Ponc. l. 9. c. 16. à n. 4. Laym. l. c. 8. Castr. l. c.

2. Resp. ad secundum: Nomine fornicationis moechia, adulterii sufficientis ad divortium venit copula completa seu perfecta, quæ sit cum effusione feminis, & sine qua non dividitur perfectæ caro in alienam carnem, habita cum alieno viro vel femina; adeoque non venit copula imperfecta multo minus tactus impudicii, aut etiam pollutio habita secum aut cum alio. Sanch. l. 10. d. 4. num. 3. Ponc. l. 9. c. 16. num. 3. Laym. l. c. n. 7. Castr. l. c. num. 2. Neque solum copula perfecta naturalis, sed & Sodomitica, bestialis; quia & per hanc dividitur caro in carnem alienam contra fidem datum matrimonii & pacti matrimonialis naturam. AA. iidem & alii passim, cum Abb. in c. maritus. de adulterio. num. 3. & communi.

3. Resp. ad secundum secundò: Adulterium præbens sufficientem causam divortii debet esse formale, seu continere malitiam formalem adulterii, ita ut, si ab ea aliquo modo excusat. V. G. per violentiam commissum, vel etiam ignoranter, ut dum conjux bona fide accessit adulterantrum putans esse suum maritum, aut si probabiliter credens maritum suum mortuum, transit ad secundas nuptias, vel etiam fornicetur cum alio; cum talis fornicatio non habeat rationem formalis adulterii; non sufficiat ad faciendum divortium; cum jam alteri conjugi non sit injuriosum. Sanch. l. 10. d. 5. à num. 11. Laym. n. 13. Ponc. l. 9. c. 17. num. 8. Castr. num. 3. cum communi. Quin & adulterium commissum ex metu cadente in virum constantem, non concedere innocentem jus faciendi divortium; eò quod non sit commissum ex malitia & dolo, quod requiri videtur l. penult. ff. ad Leg. Jul. de adulst. docent cum Abb. cons. 4. num. 3. vol. 1. Rosell. v. adulterium. n. 5. Sylv. ibid. q. ult. Tabien. & alii, quorum sententiam probabilem censem Sanch. n. 13. Verum contrarium sentit Sanch. n. 16. Castr. n. 3. Covar. in 4. decret. 1. p. c. 5. num. 3. Henr. l. 11. c. 17. n. 5. Cönnick. d. 35. du. 2. num. 10. Laym. l. c. citans plures alios; eò quod, cum metus non excusat à culpa adulterii, & fidei data violatione, quibus divortio jure naturæ innititur, non posset à divortio dotisque amissione excusare, licet excusat à poena legibus inducta; ut AA. iidem.

R. P. Leur. Jur. Can. Lib. IV.

Quæst. 295. Quandonam non liceat facere divortium ob adulterium.

1. R Esp. in sequentibus casibus. Primo ubi uterque conjugum commisit adulterium; æquum enim non est, unius delictum puniri, æquali adulterius delicto manente impunito; & paria delicta mutua compensatione delentur, prout statuitur, & dicitur expressè; c. penult. & ult. de adulst. c. significasti. c. ex literis. eod. L. si uxor. ff. ad Leg. Jul. de adulst. item à S. August. l. 1. de sermon domi. in monte. c. 28. relato. in c. 1. 32. q. 2. ubi: Nibil iniquus, quam fornicationis causa dimittere uxorem, si & ipse convincitur fornicari; occurruit enim illud: in quo alterum judicas, te ipsum condemnas. Rom. 2. &c. Nihilque refert, quod adulterium uxoris sit gravius & notiorum, mariti minus grave & Secretum, unum prius, alterum posterius; cum per utrumque fidès data in matrimonium violetur, & jus separandi se soli innocentii concedatur. Sanch. l. 10. d. 5. à num. 2. Ponc. l. c. c. 17. num. 5. Gutt. de mat. c. 129. num. 15. Laym. l. c. Castr. p. 6. §. 2. num. 1. cum communi. Nihilominus compensatio hæc mutua est solum, quod ad divortium & dotis amissionem, non vero quod ad accusationem criminalem & vindictam publicam; cum liberum sit marito accusare criminaliter uxorem de adulterio; uxori autem non permititur hæc accusatio; L. 1. c. ad Leg. Jul. de adulst. Sanch. l. 10. d. 8. num. 46. Laym. Castr. ll. cit.
2. Secundò, si maritus adulterii uxoris fuit author; cum tunc æquè sit culpabilis ac uxor. Sanch. l. 10. d. 5. à num. 5. Ponc. num. 7. Gutt. num. 16. Farinac. Tom. I. q. 143. §. separatio thori. Castr. num. 2. Laym. cit. num. 13. cum comm. Procedit idipsum, sive uxori invita, sive lubens prostitutioni consentiat. Castr. loc. cit. arg. c. discretionem. §. quod si forsan. de eo, qui cognov. consang. Item si adulterio uxoris consentiat (in quo casu vir consentiens etiam punitur poenâ lenonis; l. 2. c. ad Leg. Jul. de adulst.) expressè vel tacite; eò quod v. g. potens facile impedit, non impedivit, nulla intercedente legitimâ causâ hujus non-impeditio, de quo paulò post; cum tacito illo consensu censendus sit remittere jus divertendi, quod ex illata sibi injuria conceditur. Castr. Laym. ll. cit. Henr. l. 11. c. 17. num. 4. Sanch. loc. cit. num. 3. Qui etiam ibi notat, mulierem conscientiam de mariti adulterio, neque impudentem, non esse censendam consentire; cum raro ipsa illud impeditre possit, neque ejus dissimulatio, utpote quæ est viro subjecta, censenda est delicti approbatio. Quemadmodum etiam, si vir suppositionem habens de uxoris adulterio, dissimulet se in longinquum profici, animo statim redeundi, vel testes apponat absconditos, ut certus de adulterio, possit uxorem dimittere, vel in futurum emendare, nullatenus censendus est adulterio consentire, sed illud permettere ob honestum finem; Sanch. l. 10. d. 12. num. 52. & cum eo Castr. cit. num. 2. Pari modo censendus non est adulterio consentire, adeoque prohiberi à faciendo divortio, quod causam remotam dederit uxori ad illud. V. G. negando debitum, non suppeditando alimenta, expellendo illam è domo & à cohabitatione sua. Ponc. num. 7. Castr. num. 3. Gutt. num. 8. Sanch. d. 5. num. 6. arg. c. significasti. b. t. & ibi Gl. u. materiam.

materiam. Neque enim mulier ulla ratione ad fornicationem adduci debebat; neque, ut Ulpian. in l. palam. ff. de rit. nupt. num. 43. ignoscendum ei, qui obtenu paupertatis turpissimam vitam agit. Secus tamen foret, ut Sanch. Gutt. Castrop. &c. si vir ea intentione repulisset, almentisve privasset &c. ut necessitate compulsa adulterium committeret; cum tunc adulterium uxoris viro sit voluntarium.

3. Tertiò, si conjux innocens nocenti jam condonasset adulterium; hac ipsa enim condonatione cessisset juri acquisito faciendi divortium. Castrop. num. 4. dicens, sic docere omnes. Idque sive haec condonatio sit expressa, ut si verbis expressis remittat injuriam sibi factam, & inde jus acquisitum divertend; sive tacita, ut si conscius adulterii, adeoque potens facere divortium conjugi adulteria copuletur, vel illam ita familiariter tractet ac ante; cum enim his signis fatus præsumitur habuisse animum reconciliationis, ad intentandum divortium accusandumque adulterum non admittitur. Castrop. citans decisionem Rote apud Farinac. 193. vol. 2. confessusque cum Sanch. l. 10. d. 14. à num. 2. ad hanc condonationem non requiri adulteri acceptationem, eo quod haec condonatio sit quædam juris cessio & remissio, quæ signis exterioribus manifestata tollitur ab adulterio impedimentum petendi debitum, quod ex adulterio contraxerat. Quod si tamen innocens adulterio extrinsecus exhiberet dicta signa remissionis, absque animo tamen remittendi jus, quod habet, accusandi illum criminaliter & civiliter, et si in foro externo nec divortium, nec accusationem intentare possit, probabile tamen censem Castrop. num. 5. cum Sanch. d. 24. num. 21. in foro conscientiae jus divertendi & accusandi integrum remanere, eo quod istiusmodi facta non sint ipso iure remissio; & certè si ex imperio Judicis facta, eo quod adulterium non plenè probatum, remissionem non inducerent, sed essent solum signa aliqua animi remittentes, sive ex quibus præsumeretur iste animus, adeoque remissio; unde hoc animo non existente, nulla est remissio; arg. l. questum §. item queritur. ff. ad Leg. Jul. de adult. ubi dicitur, destitisse videri. An vero ea sit tacita reconciliatio ex parte utriusque, dum conjux adulteri emendatus alterum de emendatione monet, non convenit inter AA. affirmant Laym. cit. num. 14. Sanch. l. 10. d. 7. num. 4. Cón. d. 35. du. 2. num. 1. concl. 6. eo quod monitus, esto, non admittat reconciliationem, eam tamen admittere teneatur; cum sit aquæ nocens ac alter. Negant Castrop. num. 7. Ponz. l. 10. o. 17. in fine. Hurt. d. 11. diff. 3. num. 10. conscientiae monitum ex sola admonitione sibi facta & reconciliatione sibi oblata, sed non acceptata, non cessisse jus divertendi, & consequenter si sibi facta remissio, post hanc non delinqueret, posse adhuc intentare divortium, cum nihil impedit; emendatus vero seu monens intentare non poterit divortium, quod sibi non fuerit delictum remissum. Porro si reconciliatus post reconciliationem commisit denuo adulterium, potest ei denuo ab innocentie, non ob delictum condonatum, sed ob de novo commissum intentari accusatio, tam criminalis quod ad punitionem, quam civilis, quod ad divortium & amissionem dotis. Unde etiam, si uterque nocens sibi mutuo injuriam cesserunt, alteruter iterum la-

psus in adulterium, divortio subjectus est absque eo, quod innocentii divortium intentanti obligare possit adulterium ante reconciliationem commissum, c. de his. de accusat. & l. transvere. c. de transact. cum remittentibus actiones non concedatur regressus; l. queritur. ff. de adiutorio editio. Ita ex communis sententia Sanch. d. 5. n. 21. Laym. l.c. n. 14. Castrop. n. 6. Ponc. c. 17. in fine. Molin. tr. 3. d. 95.

Quæst. 296. *An & qualiter conjux innocens possit propria autoritate divertere a conjuge adultero, an vero necessario expeditanda sententia iudicis.*

1. Resp. primò: Dum adulterium notorium est per evidentiam facti, vel etiam per confessionem rei in judicio etiam civili, licet innocentia citra sententiam facere divortium, tam quod ad debiti redditionem, quam quod ad mutuali cohabitationis separationem. Sanch. l. 10. d. 12. num. 31. juncto. num. 13. Surd. de alimento. tit. 7. q. 16. Abb. in c. constitutus, de converso coniug. num. 4. Castrop. cit. p. 6. §. 4. num. 3. arg. c. ex parte de sponsal. ubi: Nemini licet uxorem dimittere sine manifesta causa fornicationis: unde recte infertur: ergo stante manifesta causa fornicationis licet eam dimittere. Siquidem cum delictum notorium est, perinde est, ac si publica sententia & iudicio reus damnatus esset. Quin & nequidem Ecclesia in hoc casu adulterii notorii compellere potest innocentem ad adulterum recipiendum, pro ut decidi videtur in c. significasti, b. t. ubi: Si notorium est, mulierem ipsam adulterium commissee, ad eam recipiendam prefatus vir cogi non debet &c. Quam doctrinam verissimam esse ait Castrop. num. 9. sive adulterium factum sit post spolium (hoc est, post separationem) sive ante; eo quod quoconque tempore notoriè commissum sit, restitutio neganda est. Neque decisio cit. c. significasti. (esto, in ea solum fiat mentio adulterii commissi post spolium) ad hoc restringenda sit; cum commissum ante spolium sit gravius commissum post spolium, utpote ad quod illa separatio potuisset extitisse aliqualis occasio.

2. Resp. secundò: Par modo ob adulterium quoque occultum, secluso scandalo, potest innocens se separare à nocente, nullâ expectata sententia. Castrop. loc. cit. num. 2. juncto num. 5. citatis Sanch. ubi ante. à num. 5. & 14. Rebell. l. 2. q. 11. Cöminck. d. 35. num. 2. Hurt. d. 11. diff. 6. num. 21. &c. cum enim matrimonii natura ea sit, ut conjuges sibi invicem obligentur ad mutuali cohabitationem & debiti redditionem, dum carnem suam non diviserint in alienam, facta hac divisione carnis ab adulterio, cessat haec obligatio in innocentie; adeoque innocens faciens divortium, non sibi ipsi jus dicit, sed jure à matrimonii natura concessio utitur. Potestque hoc ipsum dici divortium authoritate Ecclesia celebratum, ad hæc, si ob adulterium notorium (vel etiam, ut Ponz. ob adulterium, quod in continentie fieri potest notorium) licet innocentii propria authoritate à nocente divertere, licebit quoque id ipsum ei in foro conscientiae ob adulterium secrenum; jus enim separandi se ab eo non nascitur ex publicitate delicti, sed ex ipso delicto, cum publicitas requiratur solum ad evitandum scandalum, & consequenter scandalo cessante, quomodo